

EBALUAZIO DIAGNOSTIKO ZENTSALA

LHko 4.a

2012-13 ikasturtea

Jardueren protokoloa

AURKIBIDEA

- A. 2012-13 ikasturteko berritasunak**
- B. Galdera-sorta sozioekonomiko eta kulturala online aplikatzea**
- C. Probak entregatzea eta zaintzea**
- D. Ikasleak salbuesteko irizpideak**
- E. Probak betetzea**
- F. Aplikazio fasea prestatzea**
- G. Aplikazioa**
- H. Proba egunean bertaratu ez diren ikasleak**
- I. Ingeles probarako berariazko jarraibideak**
- J. Probak aplikatzeko egutegia**
- K. Proben zuzenketa**
- L. Datuak sartzea**
- M. Txostenak eskuratzea**
 - **Ikaslearen txostena**
 - **Ikastetxearen txostena**
 - **Datuen artxiboa, CSV formatuan**
- N. Ikasleek egindako probak gordetzea**
- O. Esker ona**
 - 1. eranskina: Salbuetsitakoen erregistroa**
 - 2. eranskina: Egutegia**

Oharra: zuzendari, irakasle, ikasle, aplikatzaile, zuzentzaile, tutore eta guraso terminoekin gizonetzkoak zein emakumezkoak hartzen dira kontuan.

Dokumentu honetan jarraibideak ezarri dira, probak Nafarroako ikastetxe guztietan kontrolpean eta modu berean aplikatzen, zuzentzen eta erregistratzen direla bermatzeko.

Ebaluazio honen aplikazio, zuzentze, grabatze eta informatze lanean zuzenki inplikaturik dauden zuzendaritzako kide eta irakasleek behar besteko aurrerapenez ezagutu beharko dituzte jarraibide hauek, eta praktikara eraman.

A. Berritasunak

Ikastetxeek ekarritakoaren eta Ebaluazio Atalaren balorazioen arabera, 2012-13 ikasturtean azpimarratzeko modukoak diren berritasunak ondoko hauek dira:

- * Jardueren protokolo honetan eskura daude galdera-sorta sozioekonomiko eta kulturala aplikatzeko jarraibideak.
- * Galdera-sorta sozioekonomiko eta kulturala online aplikatzeko epea zabaltzen da: otsailaren 1etik apirilaren 12ra.
- * Probak arkatza edo boligrafoa erabiliz beteko dira, ikastetxe bakoitzak erabakitakoaren arabera.
- * Educak ikastetxeen eskura artxibo bat jartzen duela azpimarratu. Artxibo hori CSV formatuan dago, ikasleen erantzunekin eta lorturiko puntuazioekin, datuak taulan dituenak, eta ikastetxe bakoitzak datuen analisiak eta ikerlanak egiteko baliagarria izan daitekeena.

B. Galdera-sorta sozioekonomiko eta kulturala online aplikatzeko protokoloa

Online aplikazioak isilpekotasuna bermatzen du eta, ebaluazio diagnostikoaren txostenean, ikastetxeek indize sozioekonomiko eta kulturala izango dute, indize horren arabera gaitasun bakoitzerako balioetsitako puntuazioekin eta grafikoak gaitasun bakoitzerako Errendimendua-ISEK erregresio-zuzenarekin eta hartan ikastetxea non dagoen adieraziz.

Galdera-sorta hobeki aplikatzeko, ikastetxeek jarraibide hauek beteko dituzte:

1. LHko 4. mailan ikasten ari diren ikasle guztiek bete behar dute galdera-sorta, betetzerik ez dutenak izan ezik, ebaluazio diagnostikoko probetan ezarritako irizpide berberak aplikatuz.
2. Galdera-sorta helbide honetan eskuragarri izanen da:
<http://dpto.educacion.navarra.es/eed/>
3. Ikasle bakoitza galdera-sortan sartuko da erabiltzaile izen batekin eta pasahitz batekin; biak isilpekoak izanen dira.
4. Ikastetxeetako zuzendariak erabiltzaile izenen eta pasahitzen zerrenda (matrikulaturiko ikasleak bezainbeste) **Educa** bidez jasoko dute ([Educa/ikasketak/Ebaluazio diagnostikoa](#)). Zerrenda horretan ez da ikasleak identifikatzeko moduko daturik agertuko.

Sarrera

Erabiltzailearen izena

Pasahitza

Hizkuntza

Euskera

Bidali

Aplikazioa egin behar denean, ikastetxeko zuzendariak LHko 4. mailako tutore bakoitzari erabiltzaile izenak eta pasahitzak (ikasleak bezainbeste) emanen dizkie eta bere ikasleen artean ausaz banatuko ditu.

5. Aplikazioa egin aurretik, tutoreek eta ikasleek askatasunez praktikatzen ahalko dute. Horretarako, probako erabiltzaile izen eta pasahitz hauekin sartuko dira aplikazioan:

Erabiltzaile izena: Irati

Pasahitza: Irati

Noiznahi eta nornahi sar daiteke *probako erabiltzaile* modura. Horrek aukera ematen die tutoreei eta ikasleei galdera-sorta aztertzeko eta datuak betetzeko aplikazioan gorde gabe. *Bidali* botoian klik eginda ere ez dira gordeko.

Ikastetxeak berak erabakiko du nola bete behar den galdera-sorta. Nolanahi ere, komenigarritzat jotzen da tutoreak prestakuntza jarduerak egitea ikasleek galdera-sorta eta betetzeko jarraibideak ezagutzeko eta bete behar duten unean galderari segurtasunez erantzuteko.

6. Aplikazio saioa. Tutoreak antolatuko du saio hau eta ikastetxeko ordenagailuak erabiliko ditu horretarako. Ikasleak aplikazioan sartuko dira, tutoreak ikasle bakoitzari ausaz emanen dizkio erabiltzaile izena eta pasahitza, ikasleek aplikazioan sartuko dituzte eta galdera-sorta beteko dute.

Erraz betetzen da. Nolanahi ere, alderdi hauek kontuan hartu behar dira:

- Galdera bakoitzean, ikasleak aukeren arteko erantzun bat hautatuko du. Ikasleak erantzuna noiznahi alda dezake.
- Galdera-sortan gora eta behera egin daiteke.
- Galdera-sorta bukatzeko eta erantzunak gordetzeko, *Klik* egin behar da ***Bidali*** botoian. Hau egitea nahitaezkoa da erantzunak gordetzeko.
- Ikasleak galderak erantzun gabe utzi baditu, ***Bidali*** botoian *Klik* egiten duenean aplikazioak zer egin duen ohartaraziko du eta ikasleak galdera-sorta betetzen segitzeko aukera izanen du edo bukatutzat emanen du ***Dagoen bezala bidali*** botoian *Klik* eginez.

Badira galderak erantzunik gabe.
Amaitzeko sakatu ***Dagoen bezala bidali*** botoia, edo, bestela, osatu galde-sorta eta sakatu ***Bidali*** botoia

Dagoen bezala bidali.

- ***Bidali*** botoian *Klik* egin eta galdera-sorta bukatu ondoren, ezin izanen da berriz sartu galdera-sortan erabilitako erabiltzaile izenarekin eta pasahitzarekin.
7. Epeak: galdera-sorta otsailaren 1etik apirilaren 12ra bitartean beteko da.
 8. Oharrak eta zalantzak. Izan daitezkeen zalantzak Ebaluazio Atalean argituko dira, mezuak (evaleduc@navarra.es) posta elektronikora bidaliz edo 848426554 telefonoetara deituz.

Galdera-sorta ongi betetzen bada, ikastetxeek datu fidagarriagoak izanen dituzte eta beren ikasleen hezkuntzari buruzko alderdi garrantzitsuak hobeki ezagutuko dituzte.

C. Probak entregatzea eta zaintzea

1. Aurreko ikasturtetako prozedurari jarraituko diogu:

- a) Lizarra, Lekaroz, Tafalla eta Tuterako ILZetara atxikiriko ikastetxeek probak haiei dagokien ILZren egoitzan jasoko dituzte, **2013ko apirilaren 23, 24 eta 25ean**.
- b) ILZ horietara atxikiriko ikastetxeren batek Iruñean jaso nahiko balitu, **posta elektronikoz jakinarazi beharko dio Ebaluazio Atalari, martxoaren 10a baino lehen** (evaleduc@navarra.es).
- c) **Iruñeko ILZri** atxikiriko ikastetxeek probak Hezkuntza Departamentuan jasoko dituzte, Hezkuntzako Ikuskapen Zerbitzuan (tarteko solairua), **2013ko apirilaren 23, 24 eta 25ean**, 08:30etik 14:30era.

2. Behin ikastetxean daudela, egiaztatuko da koaderno kopurua egokia dela eta giltzapean sartuko dira, isilpekotasuna bermatuz.
3. Zuzendariek aplikatzaileei proba bakoitzean beharko diren koadernoen kopuru zehatza emanen diete, **gehienez ere proba hasi baino ordu bete lehenago**.

Koadernoak paketatuta egonen dira, eta proba hasteko unean irekiko dira.

4. Aplikatzaile eta zuzentzaileek erabat isilpean gordeko dute proben edukia, maiatzaren 18ra arte. Egun horretatik aitzina probak aske eta irakasleendako eskuragarri geldituko dira.

D. Ikasleak salbuesteko irizpideak

Lehen Hezkuntzako 4. kurtsoan dauden ikasle guztiek egin beharko dituzte proba hauek. Salbuespena izanen dira ondoko irizpideren batengatik proba egin ezin dezaketenak:

- a) Hezkuntza sisteman sartu berriak izanik (duela ikasturte bat baino gutxiago), gaztelania (edo, kasuan kasu, euskara) ez ezagutzea.
- b) Mugitzeko edo zentzumenezko desgaitasuna, proba egitea galarazten duena (esate baterako, igeltsatutako besoa, ikusmen urria...).
- c) Nafarroako Hezkuntza Bereziko Baliabide Zentroan (NHBBZ) errolaturiko urritasun psikiko edo intelektuala, irakasgai gehienetan ziklo bateko edo bi kurtso baino gehiagoko curriculum desfasea eta/edo proba egiteko autonomia gabezia. Errolatua egotea ez da aski arrazoi salbuespena izateko. Adibidez, arreta gabeziako nahastea hiperaktibotasunarekin (TDA-H) errolaturiko ikasle askok egin dezakete proba eta ez dira salbuetsi moduan agertuko. Horretaz gainera, curriculum desfasea kontuan hartuko da, baita ikasleak proba egiteko nahiko autonomia duen ere, harengandik espero den errendimendua apala bada ere.

Ikasleak aipatutako irizpideetako baten bat betetzen badu, Salbuetsitako Erregistroan eta EDUCA aplikazioan halakotzat agertuko da. Hala bada, haren emaitzak ez dira ikastetxeko txostenean kontuan izanen. Hori hala izanik ere, salbuetsi moduan agertzen diren ikasleek

proba egin dezakete, haien emaitzak EDUCA aplikazioan sartu ahal izanen dira eta ikaslearen txostena ere lortzerik izanen da.

Ikastetxeak (zuzendaria, orientatzailea, tutorea) proba egiteko ezgaitzen ez dituzten hezkuntza premiak dituzten ikasleendako egokitzapenak eta laguntzak aurrez ikusi eta eskura jarriko ditu. Egokitzapenak ondokoak izan daitezke:

- a) Letra tamaina handitzea.
- b) Proba egiteko denbora gehiago ematea. Oro har emandako denbora bukatuak, egokitzapena behar duten ikasleek proba egiten segi dezakete, bai jarraian, bai beste une batean, tutorearen laguntzarekin eta curriculum egokitzapenaren arabera. Hala gertatzen denean, ordubeteko epean egin duena EDUCA aplikazioan grabatuko da eta egoera berezian egindakoa, berriz, tutoreak kontuan hartu eta, hala behar bada, ikaslearen txostenean jarriko du.

Irizpide hauek aplikatzen badira, bermatuko da proba estandarizatu hauetan beren seme-alaben emaitzak ezagutzeko familien eskubidea eta, orobat, ezaugarri pertsonalak kontuan hartzea eta emaitzak modu kontestualizatu batean baloratzea.

Ikastetxeek aurretik beteko dute **Salbuetsitakoaren erregistroa** (1. eranskina) eta behar den garaietan informazioa emanen diete proben aplikatzaileei. Erregistroa ikastetxean gordeko da (**ez da Ikuskapen Zerbitzura igorri behar**).

E. Probak betetzea

- Probak arkatza edo bolaluma erabiliz beteko dira, ikastetxe bakoitzak erabakitakoaren arabera.
- **Ikasleek ez dute kalkulagailurik erabiliko** probetan.
- Zirriborro papera:
 - Matematikako gaitasun proban ikasleek orri zuriak erabiltzen ahal dituzte eragiketarako, baina oharrak ebaluazio koadernora pasatu beharko dituzte, galderak irekiak direnean eta urratsak edo planteamenduak eskatzen direnean.
 - Era berean, ingeleseko proban ikasleek zirriborro papera erabili ahal izanen dute probaren lehen zatian oharrak hartzeko (Listening edo entzumena).
 - Ez da zirriborroaren papera jasoko.

F. Aplikazio fasea prestatzea

- Zuzendariak Protokolo hau aplikatzaileen esku utziko dute, aplikatzen hasi baino 72 ordu lehenago, gutxienez. Nolanahi ere, gomendatzen da protokoloa eta ebaluazio prozesu osoaren plangintza taldean aztertzea.
- Ingeles proba egin behar denean bereziki hartu behar da kontuan audio-erreproduzitzailea erabili behar dela eta horretarako berariazko jarraibideak daudela.
- Tutoreek ordua bete aurretik proba bukatu eta ikasgelan segitzen duten ikasleentzat lana prestatuko dute, lanean jarrai dezaten ikaskideak molestatu gabe.
- Ikastetxeek egokitzat dituzten informazio eta motibazio neurriak hartuko dituzte, normala edo ohikoa den lan giroa sortzeko.

G. Aplikazioa

1. Probak ikastaldeari eskola ematen dioten irakasleek aplikatuko dituzte, **baina ez une horretan ebaluatzen ari den gaitasunarekin zuzenean lotutako irakasleek**. Ondorioz, ingeles gaitasuna neurtzeko proba ez du ingeleseko espezialistak aplikatuko.
2. Aurreko puntua betetzerik ez dagoenean, ebaluatoriko ikastaldeari eskolarik ematen ez dion irakasle batek aplika dezake proba.

3. Aplikazioan zehar, aplikatzaileak konpromisoa hartuko du protokolo honetan dauden jarraibideak fideltasunez jarraitzeko eta ez du proben edukiari, testuei edo galderei buruzko **argibiderik, ñabardurarik eta interpretaziorik** egingen. Aplikatzailearen eginkizuna da errespetuzko eta bakarkako lan giroa bermatzea eta ikasleei esanien diena ondoko mezu hauen antzekoa izanen da: *adi irakurri; segi lanean; galdera ez baduzu ulertu segi lanean eta saiatu geroago; baduzu denbora erreparasatzeko...*

Bere lana egoki betetzeko, aplikatzailea ikasgelan gertatzen denaz, ikasleez eta probaren garapenez arduratuko da, eta ikasleek arretaz lan egin dezaten eta eman zaien denbora ahalik eta gehien aprobetxa dezaten ahaleginduko da.

4. Aplikatzaileak ikasleei esanien die proba hau egitea oso garrantzitsua dela, Nafarroako ikasle guztiak ari direla proba egiten, ahal bezain ongien egiten saiatu behar dutela, tutoreak ekainean emanen dizkiela emaitzak gurasoei, etab. Sentsibilizazio lan hori oso garrantzitsua da ikasleen inplikazioa eta ahalegina sustatzeko, eta ikastetxean aurrez ikusitako lan planaren arabera egin daiteke.
5. Aplikatzaileak ikasleei jakinaraziko die ikasgelan egon behar direla proba bukatu arte. Lehenago bukatzen badute, tutoreak proposaturiko lanak egin beharko dituzte, ikaskideen lana eten gabe. Aplikatzailea ikasleek egin beharreko lanaren jakitun izanen da, eta lan hori egiten dela bermatuko du.

6. Aplikatzaileak zerrenda bat izanen du taldeko kide guztiekin, baita salbuetsita dauden ikasleen erregistroa ere. Zerrenda pasatuko du, bertaratu gabeak azpimarratuko ditu eta salbuetsita dagoen ikasleren batek proba egiten badu S letra (salbuetsia) idatziko du koadernoan, proba bukatzean.
7. Bermatuko du ikasleen mahaien artean behar besteko tartea dagoela, lana banakakoa izan dadin. Hori horrela dela bermatuko du, saio guztian zehar.
8. Behin dena ordenan dagoela, koadernoan paketea ireki eta koadernoak banatuko ditu. Azaleko datuak betetzeko esan ondoren, probaren koadernoan dauden jarraibideak irakurriko ditu, eta esanen die galdera irekiak daudela, eta baita ere itxiak, eta azken horietan erantzun bat hautatu behar dutela (A, B, C edo D). Esanen die galdera irekietan galderaren ondoren gune librean idatzi behar dutela erantzuna, eta matematikako gaitasuneko probako ariketetan behin eta berriz azpimarratuko du problema ebazteko urratsak edo planteamendua idatzi behar dutela, galderaren izenburuan hala eskatzen bada.
9. Ikasleek izan ditzaketen zalantza orokorrak argituko ditu, eta adieraziko die bakarrik egin beharko dutela lan, eta zerbait ulertzen ez badute, eskatuko die berriz ere irakurtzeko edo ondoko galderara pasatzeko. Probaren edozein unetan ikasleek berrikusi ahal izanen dituzte aurreko galderak.
10. Behin zalantza guztiak argitu ondoren, arbelean idatziko ditu probaren hasierako eta bukaerako orduak. Probarako esleituriko denbora 60 minutu da. Hori denbora erreala edo baliagarria da: "Une honetatik aurrera hasiko gara kontatzen probako 60 minutuak."
11. Behin proba hasita, aplikatzaileak ez du inongo argibiderik edo erantzun berririk emanen, eta galderarik egiten badiote, galdera berriz ere irakurtzeko edo ondoko galderara pasatzeko gomendioa egingen die.
12. Bukatzeko 10 minutu falta direnean horren berri emanen du.
13. Denbora bukatzean, aplikatzaileak koaderno guztiak jasoko ditu eta ikastetxeko jarraibideei lotuko zaie probak zuzentzeko eta, bertaratu gabeko ikaslerik izatekotan, haiek proba beste une batean egin dezaten antolatzeko.
14. Hezkuntzako Ikuskapen Zerbitzuak proben aplikazioaren kalitate kontrola egingen du, ikastetxeen ausazko lagin batean. Ikuskatzailea aplikazio saioan egonen da eta protokolo hau betetzen dela kontrolatu eta frogatuko du.

H. Proba egunean bertaratu ez diren ikasleak

Ebaluazio hau Lehen Hezkuntzako 4. kurtsoko ikasle guztiek egin behar dute, eta beraz, proben egunean bertaratzen ez direnek lehenbailehen egin beharko dute, ikastetxe bakoitzak aurrez ikusitako berreskuratze planaren arabera.


Epeek horretarako aukera ematen badute, erantzunak EDUCA aplikazioan sartuko dira eta, hala egiten ez bada, ikastetxeak aukera dauka probak eskuz zuzendu eta ikaslearen txostena idazteko Hezkuntza Departamentuaren webgunean ikastetxeen eskura jarritako materiala erabiliz, hala nola, erantzun zuzenak, ebaketa-puntuak eta asmatze-ehuneak.

I. Ingeles gaitasuna neurtzeko probaren berariazko jarraibideak (English Literacy)

Oro har ezarritako jarraibideez gainera, ondoko hauek ere hartuko dira kontuan:

1. Aplikatzaileak, astebete lehenago, egiaztatuko du audio-erreproduzitzailera eta ingeles gaitasuna neurtzeko probako CDa (entzumena) egoki dabilzala eta ikasgela osoan ongi entzuten dela.
2. Aplikatzaileak ikastaldeko kideek ikasteko erabiltzen duten hizkuntzan emanen ditu azalpenak: G/A ereduko ikasleei gaztelaniaz eta D eredukoei euskaraz.
3. Koadernoko azalean eskatutako datuak bete ondoren, probak hiru zati dituela azalduko du:
 - a) LISTENING (entzumena): hiritan entzuten da ingelesezko entzunaldi bat, eta ondoren entzundakoaren gaineko galderari erantzuten zaie.
 - b) READING (irakurmena): bi testu irakurriko dituzte ingelesez, eta irakurritakoarekin loturiko galderari erantzuten diete.
 - c) WRITING (idazmena): fotograma bat deskribatuko dute koadernoko atal honetako jarraibideen arabera.
4. Jarraian, azalduko du LISTENING (entzumena) atala horrela egingen dela:
 - a) Koadernoan, *Listening* zatia dagozkion galderak 2 minutuz irakurriko dituzte, aldezturik jakin dezaten eskatzen dena zer den.
 - b) Jarraian, hirutan entzuten dute ingelesezko entzunaldi bat.
 - c) Entzunaldien artean minutu bateko etenak daude. Tarteko etenetan galderak erantzuten has daitezke, eta horrela, ondoko entzunaldiari begira, ulertu ez duten horri errepara diezaiokete.
 - d) Entzunaldietan oharrak hartu ahal izanen dituzte, zirriborro orrian.
 - e) Entzunaldia bukatu ondoren, ikasleek dakizkiten galderak osatuko dituzte eta proba egiten segituko dute, norberak bere erritmora.

Ondoko taulan aplikatzaileari esaten zaio zeintzuk diren LISTENING (entzumena) jarduerak eta denborak:



5. Aplikatzaileak galdetuko du ba ote den zalantzarik probaren gainean, hiru atalen gainean, egin behar dutenaren gainean... Zalantza horiek argituko ditu, aurreko urratsak errepikatuz, ikasle guztiendako erabat argi gelditu arte.

6. Zalantzak argiturik, arbelean idatziko du hasierako eta bukaerako denbora, kontuan izanik proba egiteko 60 minutu daudela eta denbora une horretan bertan hasiko dela:

Esanen die lehen 9 galderak 2 minutuan irakurri behar dituztela eta denbora hori pasatu ondoren, audio ekipoa martxan jarriko du.

7. Proba bukatzeko 20 minutu falta direnean, ikasleei denbora hori falta dela gogoraraziko die, eta iradoki, halaber, idazketa ariketarekin hasteko (WRITING).

J. Probak aplikatzeko egutegia

Proba guztiek dute **60 minutuko iraupen erreala**, eta ondoko egutegiaren arabera egingen dira:

Astelehena Maiatzaren 6a	Asteartea Maiatzaren 7a	Asteazkena Maiatzaren 8a	Osteguna Maiatzaren 9a	Ostirala Maiatzaren 10a
Hizkuntza gaitasuna gaztelaniaz	Matematikako gaitasuna	Ingeleseko gaitasuna	Hizkuntza gaitasuna euskaraz (B/D ereduak)	-

K. Proben zuzenketa

1. Irakasle zuzentzaileak ondoko hauek dira:

Proba	Zuzentzailea
Hizkuntza gaitasuna	Ikastaldearen tutorea edo ikastetxeko beste irakasle bat
Matematika gaitasuna	
Ingeleseko gaitasuna	Ingeleseko espezialista

2. Proba bakoitzak zuzenketa koaderno bat du, eta bertan zehazten dira galdera irekiak zuzentzeko irizpideak. Koaderno hauek ikastetxeko zuzendariaren eskura izanen dira probaren egunean, pasahitzarekin, Hezkuntza Departamentuko Ebaluazio Atalaren webgunean:

<http://www.educacion.navarra.es/portal/Informazio+interesgarria/Ebaluazioa/Nafarroako+Ebaluazioak/Haur+Hezkuntza+eta+LH?languageld=6>

Ikaslearen erantzuna zuzenketa irizpideekin alderatu ondoren, zuzentzaileak puntuazioa edo behar den kodea (0, 1, 2...) ikaslearen koadernoan jarriko du.

Galdera itxiak ez dira zuzendu behar. Ikasleen erantzunak Educa aplikazio informatikoan sartuko dira eta puntuazioa automatikoki emanen zaie.

3. **Epeak.** Probak aplikatu ondoren, zuzendu eginen dira. Gomendagarria da aplikazioa egin ondorengo astean egitea; epemuga maiatzaren 17a, ostirala, izanen litzateke.

L. Datuak sartzea

1. Ikasleen koadernoak zuzendu ondoren, (A, B, C, D) galdera itxiei emandako erantzunak eta (0, 1, 2...) galdera irekiei emandako puntuazioak Educa aplikazio informatikoan sartuko dira.

Hezkuntza Departamentuko webgunean eskuliburu txiki bat dago, Educan datuak sartzeko jarraibideekin. Era berean, izan daitezkeen zalantzak Ebaluazio Atalean argituko dira, mezuak (evaleduc@navarra.es) posta elektronikora bidaliz edo 848426554 telefonora deituz.

2. **Epeak.** Datuak maiatzaren 20tik 24rako astean sartuko dira.

3. Ezinbestekoa da ikasle guztien datuak zuzen erregistratu direla ziurtatzea, datuak sartzeko epea bukatu ondoren ez baita aldaketarik egiten ahalko.

Daturik sartzen ez bada edo akatsak egiten badira, Educa aplikazioak ikaslearen eta ikastetxearen txostenak sortuko ditu eta ikastetxeak berak eskuz zuzendu edo osatu beharko ditu txosten horiek, horretarako Hezkuntza Departamentuaren webgunean eskuragarri duten dokumentazioarekin.

4. Salbuetsita dauden ikasleak aipaturiko erregistroetan identifikaturik geldituko dira, "salbuetsita" zutabean dagokien laukitxoak markatuta. Salbuetsita dauden ikasleen datuak ez dira kontuan hartuko ikastetxeko txostenean edo ikastetxeko estatistikoen kalkuluan.
5. Ikastetxeko zuzendariak adierazitako faseak eta epeak betetzen direla begiratuko du. Ebaluazio faseak jarraibideei jarraikiz egiten badira, Ebaluazio Atalak aukera du horien bilakaera gainbegiratzeko eta ikastetxeetako kontsultei hobeki erantzuteko.

M. Ikaslearen eta ikastetxearen txostenak lortzea

1. Ekainaren 5etik aurrera ikastetxeek txostenak eskuratuko dituzte, Educa aplikazio informatikoaren bidez.
2. Ikaslearen txostena.

Ondoko informazioa du:

- * Gaitasun mailen definizio generikoa.
- * Ebaluatoriko gaitasun bakoitzean lortutako maila.
- * Puntuazio zuzena eta batez besteko 500 eta 100 desbideratze tipikoa dituen eskalara ekarritako puntuazioa, gaitasun bakoitzerako, eta haien irudikapen grafikoa. Puntuazioak eskala komun batera ekartzeak aukera ematen du proben errendimendua alderatzeko.
- * Oharretarako gunea, tutoreak bete dezakeena. Txosten honen xedea da ikasle bakoitzarendako hobekuntza neurriak hartzea. Atal batek *oharrak* izena du; tutoreak berau erabil dezake mezuren bat idatzi nahi badu.

Familiek seme-alaben emaitzak ezagutzeko eskubidea dute. Eskubide hori betetze aldera, txosten honek ikastetxeei tresna bat eskaintzen die, tutoretza lanaren testuinguruan. Ekainerako prest egonen da, familiei emateko.

Educa aplikazio informatikoak aukera ematen du taldeko txosten guztiak artxibatze eta paperean inprimatzeko, modu erosoan.

El Claustro de profesores analizará y valorará los resultados de la evaluación diagnóstica. Tras la correspondiente reflexión sobre los datos se plantearán líneas de mejora, y de todo ello se informará al Consejo Escolar.

Los directores de los centros guardarán los informes de las sucesivas evaluaciones, en formato electrónico.

3. Ikastetxearen txostena (ikastetxeko ikasleen emaitza orokorrekin egindako txostena).

Ikastetxeetako zuzendariak, Educa aplikazio informatikoaren bidez, bertako ikasleen multzoak erdietsitako emaitzen **txosten orokorra** eskuratuko dute, Nafarroako batez besteko emaitzekin erkatuta. Txostenak ondoko informazioa du:

- * Sarrera, haren irakurketa errazteko eta emaitzen barne azterketa egiteko.
- * Ikastetxeko ikasleen emaitzak gaitasun bakoitzaren arabera.
- * Ikasleen ehunekoa gaitasun maila bakoitzean.
- * Maiztasun grafikoak, puntuazio bakoitzerako.
- * Erantzun zuzenen ehunekoa item bakoitzerako, grafikoarekin.
- * Batez besteko puntuazioak ikasgelaz ikasgela.
- * Emaitzak alderatzen dituzten grafikoak, gaitasunez gaitasun, baita eskala komun batera ekarritako puntuazioekin ere.
- * Gaitasun bakoitzerako *Errendimendua-ISEK* erregresio-zuzena duten grafikoak, ikastetxea zein tokitan dagoen adieraziz.

Irakasleen Klaustroak ebaluazio diagnostikoaren emaitzak aztertuko ditu eta baloratuko ditu. Datuen gainean behar bezala hausnartu ondoren hobekuntzarako ildoak eratuko dira, eta guzti horren argibideak Eskola Kontseiluari emanen zaizkio.

Ikastetxeetako zuzendariak ebaluazioko txostenak gordeko dituzte, formatu elektronikoa, kurtsoz kurtso.

4. Datuen fitxategia (CSV formatuan)

Ikaslearen eta ikastetxearen txostenez gain, Educa aplikazioak CSV formatuan dagoen fitxategi bat ere ematen du, non ikastetxeko ikasleen erantzunak dauden, taula batean adierazita. Fitxategian ondoko informazioa dago, gaitasun bakoitzeko:

- Ikasleen erantzunak. Galdera itxien kasuan, ikaslearen erantzuna jasotzen da (A, B, C, D) eta galdera irekien kasuan, esleitutako puntuazioa (0, 1, 2...). Informazio horri esker, modu zehatzagoan azter ditzakegu ikasleek egin dituzten akatsak eta asmatu dituzten galderak.

- Ikasleek zuriz utzi dituzten galderak. Informazio horri esker, azter dezakegu zenbateraino diren gai ikasleak ahalegin eta autonomia handiagoa eskatzen dituzten jardueri aurre egiteko.
- Lortutako puntuazio zuzena.
- Esleitutako gaitasun maila.

Datuen fitxategiak ikastetxeari laguntzen dio azterketa osagarriak egiten eta Educa aplikazioak sortzen duen txostena osatzen. Esate baterako, CSV fitxategiaren datuekin ondokoa egin daiteke:

- Gaitasun desberdinen puntuazioen arteko korrelazioak kalkulatzeko.
- Gaitasun desberdinetako gaitasun mailen arteko korrelazioak kalkulatzeko.
- Grafikoak egitea eta ikasleen puntuazioen banaketa mailaren arabera irudikatzea.
- Gaitasun desberdinen puntuazioen eta barneko ebaluazioetan ikasleek lortu dituzten emaitzen arteko korrelazioak kalkulatzeko.
- Ikasleen erantzunak eta emaitzak alderatzea ikasgelaren, sexuaren eta abarren arabera.
- Eta abar.

CSV fitxategia dokumentu mota bat da, formatu irekikoa eta xumea, eta kalkulu orriak kudeatzeko erabiltzen den edozein programarekin ireki eta maneiatu daiteke.

N. Ikasleek egindako probak gordetzea

Ikasleen koadernoak ikastetxean geldituko dira 2013ko azaroaren 30a arte, eta Hezkuntzako Ikuskapen Zerbitzuaren esku utziko dira, zuzenketa irizpideen baliozkotasuna egiaztatzeko azterlanak egin behar badira, edo jakiteko zuzenketa irizpideak modu zuzen eta homogeneoan jarraitu ote diren.

O. Esker ona

Hezkuntzako Ikuskapen Zerbitzuak eskerrak eman nahi dizkie ebaluazio zeregin honetan arituko diren zuzendari, tutore, irakasle, orientatzaile, zerbitzuetako langile, ikasle eta gurasoei.

1. ERANSKINA

2012-2013 ikasturteko Ebaluazio diagnostiko zentsala

Lehen Hezkuntzako 4. ikasmaila

SALBUETSITAKOEN ERREGISTROA

Ikastetxea:

Salbuetsitako erregistroa		
Taldea	Izen-deiturak	Arrazoiak (A, B, C)
1.		
2.		
3.		
4.		
5.		
6.		
7.		
8.		
9.		
10.		

- A. Hezkuntza sisteman sartu berriak izanik (duela ikasturte bat baino gutxiago), gaztelania (edo, kasuan kasu, euskara) ez ezagutzea.
- B. Mugitzeko edo zentzumenezko desgaitasuna, proba egitea galarazten duena.
- C. Nafarroako Hezkuntza Bereziko Baliabide Zentroan (NHBBZ) erroldaturiko urritasun psikiko edo intelektuala, irakasgai gehienetan ziklo bateko edo bi kurtso baino gehiagoko curriculum desfasea eta/edo proba egiteko autonomia gabezia.

* Erregistro hau ikastetxean gordeko da (ez da Ebaluazio Atalera bidali behar).

2. ERANSKINA

Jarduera garrantzitsuenen egutegia

Otsaila

				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28			

→ Galdera-sorta *online* aplikatzea (otsailaren 1etik apirilaren 12ra)

Martxoa

				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

Apirila

1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

→ Salbuetsitakoen erregistroa

→ Probak jasotzea

→ Ingelesko CDa probatzea (apirilaren 29tik maiatzaren 3ra)

Maiatza

		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

→ Probak aplikatzea

→ Probak zuzentzea

→ Datuak Educan sartzea

Ekaina

					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

→ Ikaslearen eta ikastetxe-aren txoste-netan sartzea

Gorde txostenak, ekainaren 30a baino lehen!